

44^{ste}

LVK
FINALE

ECHT

LVK 2020

VRIEDIG 7 FEBRUARI 2020

INHAWTSOPGAVE



01. Wacht neet op later	14	11. VastelaovesVirus	36
02. Neet zoonder diech!	16	12. 't Is rot, maar ich mot...	38
03. Laot 't los	18	13. De proostende provincie	40
04. Vergaet neet te laeve	20	14. Duit Ali ut express?	42
05. Poppekas	22	15. Doorgoon!	44
06. Tösse gister en möрге	24	16. Ich bön eine vastelaovesgek	46
07. Vrunj tot de allerleste runj	26	17. Wo is de VAR?	48
08. Urst lätter	28	18. Gooije grónk	50
09. De Vastelaoves-Cramignon	30	19. De lètste hoije	52
10. Brék de nácht	34	20. Dae'n hauve haan	54

Väärwaord väärzitter Stichting LVK	04	Hoondervel (wènnieër 2019)	12
Väärwaord väärzitter Stichting LVK 2020	06	Scoreformelier Finale	32-33
Väärwaord börgemeister gemèndje Ech-Zöstere	08	Peblieksstömme	56-57
Limburgs volksleed	10	Äöverzich wènnieërs	58-59

44^{ste}
LVK
FINALE

 Vriedig 7 februari 2020

 EVENEMENTENTERREIN
'IN DE BANDERT'

Prezentatie

Henk Hover & Ruud Kleinen

Samestelling: **Brigitte van Eck, Stichting LVK**
Vormgaeving: **MediaKracht.com**
Foto's: **Fred Janssen**
Drök: **Sync. Heële**

Organisatie 2020:
C.V. "DE AESTER"



44^{ste}
LVK
FINALE

VÄÖRWAORD VÄÖRZITTER STICHTING LVK

Joep Verbugt



4 x 11 LVK-FINALE!

De 4 x 11-jubileum-toer door gans Limburg likt vers in het geheugen en nog gin twië waeke later gaon wae opneij gesjiedenis sjrieve! In het smaalse stuk van os provincie barst vanaovend de 44^{ste} editie van het LVK los. In 1977 is het konkoer begos om een dam op te werpe taege de Hollandse schlagers. Det initiatief van Bertha Paulissen is ein groët succes gebleken. De dam is allang verdwene en daoveur in de plaats is ein groëte berg aan Limburgse vastelaovesleedjes ontstaon.

Doezenden leedjes die 'Vaan Eysde tot de Mookerhei' tot veul 'Groete oet de fieësttent' hebbe geleid. Stel dich dae berg ens veur: Dao kries ze toch 'Hoondervel' van!

Het LVK is Limburgse Volks Kultuur. Het guft klank en kleur aan de vastelaovend.

Tientalle winnaars, hongerde finaliste en doezen zengers, sjrievers en componisten hebben hongerd doezen de minse plezeer gebrach. En um met de LVK winnaar van 2018 oeht Ech-Zöstere te spraeke: 'Det mot Blieve'.

185 leedjes zien dit jaor ingezonde. Dit jaor veur het ierst in Heytse, heet de vakjury 60 halve finaliste oetgekoze

die allemaol in de nuuje Muziekgieterij in Mestreech hun best hebbe gedaon. 20 daovan zien overgebleve en gaon vanaovend de hoëgste iër probere te behalen.

Gans Limburg kan daoveur metstomme.

De organisatie van deez finale is dit jaor gegund aan CV 'De Aester' oeht Ech. Ze hebben un prachtig paviljoen gebouwd det ut decor vormt van deez jubileumeditie.

Ich dank hun alvas biezonger veur alle veurbereidinge die ze hebbe getroffe um dit fiës heej meugelik te make.

Dezelfde dank geit auch oeht nao L1, vakjury, sponsors en neet in de letste plaats nao alle vreejwilligers. En zeker neet te vergaete nao alle artiesten die heej gaon optreeje.

Names het LVK-bestuur wins ich uch allemaol unne hiële fijne aovend en wae houwe op de kis umdet er veur de 44^{ste} kiër un LVK-finale is.

Joep Verbugt
Väörzitter Stichting LVK



44^{ste}
LVK
FINALE

VÄÖRWAORD VÄÖRZITTER STICHTING LVK 2020

Sjef Vergoossen



Eindelijk, eindelijk, 't is zoaver

De finale van 't Limburgs Vastelaovesleedjes Konkoer 2020 geitj beginne. Weer, es plaatselike organisatie, zeen apetrots op 'tgeen d'r gerealiseerdj is in de toch redelik beperktje tied, dae ós ter besjikkig stóng. Vääle oere waerdje d'r, door vääle minse, in dit avontuur gestaoke en 't resultaat moog d'r zeen.

Geer zeentj, es bezeuger, sponsor of es gas, zoanet 't immense paviljoen bönnegekómme, óm getuge te kenne zeen van ein van de grótste Limburgse carnavalsevenementen. En ómdet 't óm de 4 x 11 jaor jubileumeditie geitj, is d'r vääre gekaoze óm d'r nag mieë cachet aan te gaeve middels 'n prachtig VIP-dèk, det hieëlemaol rónjdóm 't paviljoen doorlöpjt.

De 20 finaliste staon óngetwiefeldj te popele, óm de wènnieër van 't vääre jaor, Hoondervel, te moge opvolge. Gein jaor is 'tzelfdje, mer ouch gein LVK finale is 'tzelfdje. Mer ein dènk is zeker, dao kömtj 'ne wènnieër!

W'r höbbe, mit mitwèrking van de gemèndje Ech-Zösteren, d'r alles aan gedaon óm d'r 'ne geweldige aovendj van te make. W'r haope den ouch, det geer venaovendj zultj geniete van 'ne LVK-aovendj, dae g'r uch nag lang zultj herinnere, want den weite weer zeker, det 't good woor. Laote weer ós same, bezeugers, gaste, sponsors, mer zeker ouch de vrieuwilligers, vastpakke en geniete van 'n puur Limburgs volksfies.

Ich wèns uch allemaol 'ne fantastische aovendj toe op waeg nao 'ne óngetwiefeldj geweldige wènnieër van 't 44ste Limburgs Vastelaovesleedjes Konkoer!

Sjef Vergoossen
Väärzitter Stichting LVK 2020



44^{ste}
LVK
FINALE

VÄÖRWAORD BÖRGEMEISTER GEMÈNDJE ECH-ZÖSTERE

Jos Hessels

Foto: John Peters



Bèste carnavaliste,

Hie sjriftj 'ne trotse börgemeister. Trots op 't feit det 'zien' gemèndje es gashieër moog fungere vöör de jubileumeditie van 't Limburgs Vastelaovesleedjes Konkoeer. 4x11 jaor weurtj dit leedsjeskonkoeer al georganiseerdj, mer 't is vöör 't ieës det dit in 't Smaalse Stökske van Nederlandj plaatsvuntj. En ouch nag èns op oos nuuj evenementeterrein In de Bandert. 't LVK en Ech-Zöstere höbbe natuurlik waal al 'n lange historie same. Óndanks det dit hoagtepuntj van de Limburgse vastelaovendj vöör 't ieës hie georganiseerdj is, höbbe 'weer' mit Spik en Span al drie kieër 't LVK gewónne. 't Moge dudelik zeen: 't Limburgs Vastelaovesleedjes Konkoeer en de gemèndje Ech-Zöstere passe oetstekendj bie-ein.

De gemèndje Ech-Zöstere is 'n zoagenaamdje 'Citta-slow' gemèndje. Det wiltj zegke det weer ónger mieë spesjale aandacht höbbe vöör tradities en cultuur in oos gemèndje. W'r zeen den ouch erg blie en verieërdj det C.V. "De Aester" de organisatie van 't LVK toebedeildj

haef gekrege. De aafgeloupe maondje zeen zie mit vööl enthousiasme aan de slaag gegange mit de organisatie. Dao höbbe vööl minse vööl tied en energie in gestaoke op vriewillige basis. Allein det is al 'n groat compliment waard!

Ich weit zeker det g'r uch welkom veultj in 't Smaalse Stökske Nederlandj en det g'r kèntj geniete van 'n sjoan en sportief Limburgs Vastelaovesleedjes Konkoeer, mit 'n geweldige wènnieër / wènnieërs! Laot dit de opmaat zeen vöör 'ne aeve sjoane es geweldige carnaval!

Mit 'ne groate vastelaovesgroet,

Jos Hessels

Börgemeister gemèndje Ech- Zöstere

Gemeente **Echt-Susteren**



ZANGERES

LIMBURGS VOLKSLEED

ANNEMARIE VERGOOSSEN

De Nederlandse Mezzosopraan Annemarie Vergoossen begós häör muzikale opleijing es pianiste en fluitiste, óngerweze door häör aojers. Later begós ze mit zanglesse en in 2014 eindigdje ze häör Bachelor aan 't Amsterdamse Conservatorium es sopraan, gecoachtj door Pierre Mak. Tiedes häör lèste jaor deej ze mit aan de vöörbereijing vöör de Dutch National Opera Academy. Ze vervolgdje häör studie aan 't Conservatorium van Freiburg, gecoachtj door Prof. Angela Nick en Gabriele Kniesel, wo ze in 2018 häör Opera Master diploma haoldje. Ze haef óngertösse 'n aardig palmares opgeboewdj in häör nag prille muzikale carrière. Zoa zóng ze ónger angere de Zulma in l'italiana in Algeri van Rossini, stóng ze inne finale van 't Internationale Anton Rubinstein Wettbe-
werb in Düsseldorf en haef ze in häör muzikale verleje mitgedaon aan talrieke kónserte, ónger angere same mit de beroemdje sopraan Carla Maffioletti.



LIMBURGS VOLKSLEED DOOR: ANNEMARIE VERGOOSSEN

Waar in 't bronsgroen eikenhout
't Nachtegaaltje zingt
Over 't malse korenveld
't Lied des leeuweriks klinkt
Waar de hoorn des herders schalt
Langs der beekjes boord

Refrein:

Daar is mijn Vaderland Limburgs dierbaar oord!
Daar is mijn Vaderland Limburgs dierbaar oord!

Waar de brede stroom der Maas
Statig zeewaarts vloeit
Weeldrig sappig veldgewas
Kostelijk groeit en bloeit
Bloemengard en beemd en bos
Overheerlijk gloort

Waar der vaaderen schone taal
Klinkt met heldere kracht
Waar men kloek en fier van aard
Vreemde praal veracht
Eigen zeden, eigen schoon
't Hart des volks bekoort

Waar aan 't oud Oranjehuis
't Volk blijft hou en trouw
Met ons roemrijk Nederland
Één in vreugd en rouw
Trouw aan plicht en trouw aan God
Heerst van Zuid tot Noord



HOONDERVEL

WÈNNIEËRS LVK 2019

Hoon'dervel:

o., versjiensel waobiej (ten gevolge van kaoj, sjrik of sensatie) door sametrekke van kleine sjpierkes pukkelkes op de huidj ontsjtaon, waodoor die geit lieke op de huidj van ein gepluktje kip/hoon.

Ut begos in 2003. De iêerste kier LVK as toesjouwer in Zitterd. *Deh dan dao isse* won. Toffe luuj liere kinne oet de ganse Provincie. Luuj wao wae vandaag de daag nog contact mit hubbe. Vastelaovendj verboedertj!

Eine super sjoeëne aovendj gehad en op ut eindj zagte wae taeghe elkaar: Wie tof zool ut zeen as wae ins dao op die groeëte bühne mochte optraeje.....

Wae haaje toen al de leedjesaovendj van Haele gewonne as Neet oet Wittum. De LVK-finale haole det waar oze druim! De allerierste studiobandj dae vöör os gemaaktj waerdje brachtj os de naam Hoondervel. Neet van de kaoj, neet van de sjrik, nae van de sensatie die muziek dich kintj bringe. Kippevel kraege wae der vanne. Hoondervel en dae naam waar gebaore.

2013 *Dao bun ich mit gebaore*

Bekindjmaking Finalisten in ein cafeeke in Sjwame. As allerletste bekendj gemaaktj live oppe radio. Ein half oer mit zien alle sjtaon danse, bääke, lache, zinge. Kortom Hoondervel van kop toet tieëne. Ut alleriêerste LVK-finale optraeje in de Jo Gerrishal.

Onbesjrieëfelik.

Totale euforie. Sjoëëner kin neet miër.....

2014 *De alleraafste*

2017 *De kracht van ut Zuide*

2018 *Welteruste Waereld*

Waat vonje wae al det wae ut getroffe haaje. 4 Finales. Hieël vööl sjoeëne optraejes mit moge make. Van gans intieme kleine, toet de groeëte Limburgse podia aan toe. Äöveral belaeving, energie kortom Hoondervel. Sjoëëner zool ut toch echt neet mier waere? Of toch.....? Jao, jaoao, jao, jao, jao, jao, ut waerdje nog vööl sjoeëner.

2019 *Groete oet de Fieësttent*

Miense, miense waat hubbe wae mit zien alle genaote van ut publiek, os medefinaliste en det ut os mog äöverkomme ut LVK te winne. Hoondervel kraege wae in februari in ut MECC en idderskier es wae der nog ins aan truukdinke. En det is regelmaatig!!!

Gruets zien wae wiej ein paar gruëtse hane mer den waal mit driedubbeldiek ut Hoondervel. Laote wae der vanaovendj ECH eine supertoffe bronsgreuneikeaovendj van make den is vöör idderein HOONDERVEL verzekerdj.

Proost!!!

01

TEKSSJRIEVER(S): JOB VAN HOOF
 KÓMPONIST(E): JOB VAN HOOF
 OETVEURENDJE: PRINS & AOD PRINSE GRAASHOOK

Wacht neet op later

GRAASHOOK

44^{ste}
LVK
FINALE

Refrein 1:

Wacht neet op later, want as later ierder is
 Heese veur niks gewach, heese de boët gemist
 Proost en dans, spaar neet allein mer centen
 Geneet, verzamel sjoen momenten
 Vier voloet vastelaovend, laef in ut moment
 Gaef gaas en maak plezeer, gank op 111 procent
 Wacht neet op later, want as later ierder is
 Heese veur niks gewach, heese de boët gemist

Couplet 1:

Merge kin ut euver zien, det is un laevens les
 Pluk dn daag, heb plezeer, laot vaare alle stress
 Weem altied mer vur merge laeft is auch zien toekomst kwiet
 Want vruég of laat is ut zoewiet

Couplet 2:

Ut laeve is un groët cadau mer pak ut dan auch oeth
 Niks neet bang, vol derin, neem soms een gek besloet
 Pakken wasse pakke kins, dan kriesse noets gin spiet
 Want vruég of laat is ut zoewiet

Brök:

Spaar sjoen herrineringe
 Lach wat aaf en blief mer zinge
 Maak een sjoen verleeje
 Door te laeve, te laeve, te laeve in ut heeje

Letste refrein:

Wacht neet op later, want as later ierder is
 Heese veur niks gewach, heese de boët gemist
 Proost en dans, spaar neet allein mer centen
 Geneet, verzamel sjoen momenten
 Vier voloet vastelaovend, laef in ut moment
 Gaef gaas en maak plezeer, gank op 111 procent
 Wacht neet op later, want as later ierder is
 Heese veur niks gewach, heese de boët gemist
 Heese veur niks gewach, heese de boët gemist

Neet zoonder diech!

MESTREECH

TEKSSJRIEVER(S): PATRICK JASPERS
KÓMPONIST(E): PATRICK JASPERS
OETVEURENDJE: KATJA HENZ

44^{ste}
LVK
 FINALE

Refrein:

Kom staot op de steul of dans op de taofels
 Haang aon de lamp tot die 't begief
 Want uzze vrundsjap is ónbetaolbaar
 Veur gei miljoen wèl iech zoonder diech
 Kom staot op de steul of dans op de taofels
 Haang aon de lamp tot die 't begief
 Want uzze vrundsjap is ónbetaolbaar
 Veur gei miljoen wèl iech zoonder diech

Couplet 1:

Um te gene-te, vaan dit leve
 Soms allein of mèt ederein
 En avventouw 'ne gooje te geve
 Groet oetgepak, intiem en hiel klein

Zoe weurt 't allein, allein hei begrepe
 Nörges anders, veul iech miech thoes
 Tot iech es keend dat hei moch beleve
 Voond lech fantastisch, prachtig & sjoen

Veer zien daan ouch neet ,de ierste de bèste
 Veer blinke oet, in al wat veer doen
 Veer koume es ierste en goon es lètste
 Al goon veer kroepend, 't maak us niks oet

Couplet 2:

Al sjutste de vogel of zjus de neve
 Rolle d'r traone vaan leid of gelök
 Zoelangste 't bèste mèr höbs gegeve
 Zak aon 't buffèt al hiel snel d'n drök

Trek drop oet mèt trom of mèt träöte
 Es 't weer tied is, um 't te doen
 't Leve drejt neet altied um duite
 Mèr te genete vaan al 't sjoens

Noets zal iech die lui, die lui oets vergete
 Die us lierde hawwe, vaan dit stökske land
 Zien veer daan oets, um wat ouch verdretig
 Rös op 'n sjouwer, vertrouw op mien hand

Brök:

Dus blief mèr genete, totdat 't tied is
 Strui mèt confetti, bij al watste deis
 De mis leefde noets totdat ste 't kwiet bis
 "Geneet vaan t leve " zoelang ste besteis

TEKSSJRIEVER(S): WILLEM VAN DEN MUNCKHOF
 KÓMPONIST(E): BART VAN DER STERREN
 OETVEURENDJE: FRANK EN DE STERREN



44^{ste}
LVK
 FINALE

Laot 't los

HÔRS

Pre-refrein:

Naeveniën (naeveniën), veule weeë daat 't alliën mà heer bestiët
 Vur veul is 't 'n vraog, mà veur os eine wiët

Refrein:

Laot 't los
 Kòm dut mej
 Vier 't laeve
 Laot ów hiëlemaol gaon
 Griëp 't vâs
 Gaef ma door
 Gaot belaeve
 Vier 't wies de leste'n aom
 Want âs geeë dit good vâs hald
 Wette dit is éch vâs òs
 Âs vastenaovend ów good vâs haet
 (En de joeëks ów in de taes haet)
 Laotte álles efkes los

Couplet 1:

Al die drukke laeves
 Wât 'n gespooi vâs heer nao dao
 Kiek waat um ów hin gebeurt
 En denk dá rustig nao
 Laef vur vandaag
 Staot efkes stil op ziene tiëd
 Vier de vastenaovend nou
 Zònder kriede later spiët

Couplet 2:

Mák ów eige keus
 Zet wât ge 't lifste dut veuróp
 Dreij 't mà is um
 Laef 't laeve óppe kóp
 Haal ów lach mà oët de laaj
 Leg ów zörg mà in de kâs
 Laot vastenaovend in ów los
 En hald daat dees daag good vâs

Brök:

Laot 't los (laot 't los)
 't Is tiëd um d'r wer oët te gaon
 Laot 't los
 Weeë zien al onderwaeg
 Want sâme kriegde mier gedaon

04



TEKSSJRIEVER(S): ROGER PISTERS & JULIE DROEGHAAG
KÓMPONIST(E): ROGER PISTERS
OETVEURENDJE: REMPETEMP & JAN VAN CEP



Vergaet neet te laeve

AWSTROA

44^{ste}
LVK
FINALE

Refrein:

Vergaet neet te laeve
 Vergaet neet te lache
 En maak dat vanaovend
 Den daag wurd geplök

Vergaet neet te laeve
 Vergaet neet te lache
 'n Nach vastelaovend
 'n Laeve gelök

Couplet 1:

Ich laup doer 'n sjteegske, den aovend waor vèt
 Dao brent nog 'n leegske, op waeg nao mien bèd
 Ich weit ich mot wiejer, mer toch blief ich sjtaon
 't Lökt kiër op kiër, neet op hoes aan te gaon
 Es de duur oape geit, kiek ich in dien auge
 Es de nach sjlaope geit, zing ich eine kier mit:

Couplet 2:

De meziek is gaon ligke, de lèmpkes gaon aan
 Doe hoofs nieks te zigke, v'r gaon hie vandaan
 De duur toe gemaak, mit dich in mien erm
 Ut vruus dat 't kraak, mer toch hawt vier òs wèrm
 Es de duur aoape geit, kiek ich in dien auge
 Es de nach sjlaope geit, zing v'r eine kier mit

Brök:

Vergaet efkes alles, en vuur 'ste t wits
 Belaefse vanalles, wasse noejts mië vergits



05



TEKSSJRIEVER(S): BART STORCKEN & EMIL SZARKOWICZ
KÓMPONIST(E): BART STORCKEN & EMIL SZARKOWICZ
OETVEURENDJE: HERRIEMENIE MISERABEL

44^{ste}
LVK
 FINALE

Poppekas

HEËLE

Refrein:

Wat inne poppekas, kom in mien erm en hoat mig vas
 Gekke, zjwoare, lange oeëre, vasteloaveswietsfigoeere
 Drei daag is ut poppekeske oape
 Mer esjgoonsdig geit ut poppekeske toe
 Wat jammer noe

Couplet 1:

De gordiene oape, lampe goan weer aan
 Noe geit ut beginne
 De bonte sjtoet begint va veur aaf aan
 Dizze daag dee is va osz en nump osz ginne
 Meer aaf, alaaf, boem, paaf
 Omdat ut carnaval is
 En wer bal is
 Zing en alles

Couplet 2:

Ut verhoal wurt noe gemak is dat neet leuk
 Noe is ut good leëve
 Van dat pekske krieg ig eeder joar wer jeuk
 Ein gans theater vol plezeer want samen geëve
 Veer gaas, zoepnaas, roeijnaas
 Omdat ut carnaval is
 En weer bal is
 Zing en alles

Brök:

Dien veurstelling die kinse zelf verzinne
 Geiste verleeze of geiste winne
 Loat goan doot ins gek wie eine waus
 Lach ut leëve toe dan krieste dien applaus



06

TEKSSJRIEVER(S): QUIRIEN VAN HAELEN

KÓMPONIST(E): JOB VAN HOOF

OETVEURENDJE: MEN IN PEK

Tösse gister en möрге

ROOJ

 44^{ste}
LVK
 FINALE

Refrein:

Laef in 't noê, laef in 't hiê
 Gaef dich euver aan de tiêd
 Köpke leeg, ane kântj mèt alle zörge
 Laef in 't noê, laef in 't hiê
 Gaef dich euver ane tiêd
 Laef! Tösse gister en möрге
 Laef! Tösse gister en möрге

Couplet 1:

Confetti de kalender, plen d'r neet te völ op los
 Weiye wie se wilt, de windj dae weijdj waal mèt mèt òs
 En 't is noê, noê, noê, det 't echt gebeure geit
 Vere tot allein de vastelaovendj nog besteit

Couplet 2:

Van de ieërste mörgesitting tot 't sloête vanne têt
 Op dit plekske waereld mósse zeen op dit momênt
 Gister waas geweldig en ouch möрге weurdtj uniek
 Mèr waat dao tösse-inzit is nog sjiekerder dan sjiek

Brök:

En straks mèt 'n stök inne kraâg
 Weurdtj möрге wie vandaag
 Weurdtj möрге vandaag

TEKSSJRIEVER(S): NIEK DIRKX & JOS WACKERS

KÓMPONIST(E): JO HUIJNEN & NIEK DIRKX

OETVEURENDJE: SPIK EN SPAN

Vrunj tot de allerleste runj

ZÖSTERE

44^{ste}
LVK
FINALE

Couplet 1:

D'r zeen 100.000 dènge
Waat vastelaovend in mich raak
Mer euver ein dèngk wil ich zènge
Waat dezen aovend ech biezunjer haef gemaak

Want sjtèl dich veur: ein klein kefeeke
En die verkes dao, det zeen mien vrunj
En dezen aovend is gebleke, aan de teke
Vrunj tot de allerlèste runj

Dus höf het glaas op d'n aovend, vanaovend en vannach
Want deze vastelaovend haef ós verrèkdes vööl vrundsjaep gebrach

Couplet 2:

D'r zeen al 100.000 zinne
Euver blieve of kampioene van de nach
Dus brèng noe ein runj veur mien vrunj en mien vriendinne óm te beginne
Want op dae lèste wurt toch waal gewach

En höf het glaas op d'n aovend, vanaovend en vannach
Want deze vètte vastelaovend haef ós verrèkdes vööl vrundsjaep gebrach
En alles waat ich wou zègke, höb ich mit vief weurd gezag
Weer zeen "vrunj tot de allerlèste runj"
Dus höf het glaas op d'n aovend, vanaovend en vannach

Couplet 3:

Ich höb al 100.000 keer en nog meer, telkes weer
Op zónnen aovend wie vanaovend gewach
En euver 736.000 jaor, ieèrlík waor
Wurt nog ummer dit nummer gebrach
Euver vrunj, de aovend en de nach

Dus höf het glaas op d'n aovend, vanaovend en vannach
Want deze vastelaovend haef ós verrèkdes vööl vrundsjaep gebrach
Laot die loaze mer lulle, laot de vazer mer völle
Weer zeen "vrunj tot de allerlèste runj"
Dus höf het glaas op d'n aovend, vanaovend en vannach
En laot mich nog aeve dezen aovend belaeve
Mit mien "vrunj tot de allerlèste runj"
Dus höf het glaas op d'n aovend, vanaovend en vannach

TEKSSJRIEVER(S): TAMARA KOONINGS

KÓMPONIST(E): STEF KOONINGS

OETVEURENDJE: PRUUF MAR

Urst lâtter

IJSELSTEIN

44^{ste}
LVK
FINALE

Refrein:

Ik wil urst lâtter, jalalala lâtter

As wee same gaon, dânse tot de sterre staon

Nor lâtter

Ik wil urst lâtter, mákt 't net wat vroeger lâtter

Tel nie áf már vurruut, tot d'n tied d'r nie toe duut

Nor lâtter

Couplet 1:

Vriëf ik de slaop uut uut mien oeëge

Wieët ik dat ik wér kan droeëme

Over wor ik nor verláng

Zwaervend jaag ik rennend dur de waeke

Zuük iets wat d'n tied kan braeke

Waachte duürt maej veulste láng

Volle plejne, joekskapelle

Dat is wor ik nòw wil zien

Vastelaovend kòm meeje hale

Kan dat mészien?

Couplet 2:

Knagend kriebelt hejmwée ien mien kópke

En dan áf en toe dan löpt de

Gedaachte ver van meeje vandán

Daenk ik án snute, gekleurd van binne en van bute

Die same schravelend gón zúke

Waachte duurt ze veulste láng

Volle plejne, joekskapelle

Dat is wor ik nòw wil zien

Vastelaovend kòm meeje hale

Kan dat mészien?

Brök:

Vastelaovend kòm meeje hale (herhaling)

Kan dat mészien?

TEKSSJRIEVER(S): ERIC RECK & CHAREL JEUKEN

KÓMPONIST(E): ERIC RECK

OETVEURENDJE: NIELS EN KAY

De Vastelaoves-Cramignon

ÈÈSJDE / OOST-MAOREND

44^{ste}
LVK
FINALE

Refrein:

Loor us effe hie, kiek noe toch us dao
Limburg geit noe ien de Vastelaoves-Cramignon
Loor us effe hie, kiek noe toch us dao
De prins dei geit vuurop en eederein geit drachter-aon
V'r lègke noe, de han neet op de sjawwers
Mèr pakke ôs, us lekker steevig vâsj
De zuus alleng mèr lachende gezichte
Die hêbbe allemaol de allergroetsjte sjpass
Loor us effe hie, kiek noe toch us dao
Limburg geit noe ien de Vastelaoves-Cramignon!

Couplet 1:

Ien 't deepe zuide van os prachtig Heuvelland
Wurt eeder jaor de Broonk gevierd dao is gèt aon de hand
Fees vuur groet en klèng, neemes steit allèng
Ad en joonk is dan weer op de bein!

Drei daog geun v'r mit z'n alle ien de Cramignon
De hermenie die geit vuurop en vier geun drachter-aon
Liek 't ûch neet sjoen, wie vier hie saome sjoën
Dit mit Vastelaovend us te doen!

Couplet 2:

Zègk 't noe us zèllef, vîngt g'r dit neet manjefiek
De Cramignon mit Karnaval dat is pas èch uniek
Saome hand ien hand, doer 't Limburgs land
Sjuif de sjteul en taofels aon de kant!

Vastelaovend is vuur ôs 't bisjte medicien
't Richtige bewies wie sjoen 't laëve toch kint zien
Eederein geneet, zuug dae brèi-je lach
Limburg toent drei daog zien ware krach!

SCORETABEL

44^{ste} FINALE LVK 2020



VAKJURY LVK	JURY LVK AWD FINALISTE	JURY VASTELAOVESWAERELD	JURY JUBILARISSE	PEBLIEKSJURY VIA SMS	TOTAAL	PLAATS
----------------	---------------------------	----------------------------	---------------------	-------------------------	--------	--------

IN VOLGORDE VAN OPTRAEJE:	PLAATS:	1	2	3	4	5	PNT
01. Wacht neet op later	Graashook						
02. Neet zoonder diech!	Mestreech						
03. Laot 't los	Hôrs						
04. Vergaet neet te laeve	Awstroa						
05. Poppekas	Heële						
06. Tösse gister en mörge	Rooj						
07. Vrunj tot de allerleste runj	Zöstere						
08. Urst látter	IJselstein						
09. De Vastelaoves-Cramignon	Èèsjde/Oost-Maorend						
10. Brék de nácht	Venroj						

MAXIMAAL AANTAL PUNTJE PER JURY: 16

SCORETABEL

44^{ste} FINALE LVK 2020



VAKJURY LVK	JURY LVK AWD FINALISTE	JURY VASTELAOVESWAERELD	JURY JUBILARISSE	PEBLIEKSJURY VIA SMS	TOTAAL	PLAATS
----------------	---------------------------	----------------------------	---------------------	-------------------------	--------	--------

IN VOLGORDE VAN OPTRAEJE:	PLAATS:	1	2	3	4	5	PNT
11. VastelaovesVirus	Valkeberg						
12. 't Is rot, maar ich mot...	De Ruiver						
13. De proostende provincie	Haele						
14. Duit Ali ut express?	Helje						
15. Doorgoon!	Gullepe						
16. Ich bön eine vastelaovesgek	Mofert						
17. Wo is de VAR?	Zitterd						
18. Gooije grónk	Kepel						
19. De lètste hoije	Naer						
20. Dae'n hauve haan	Hölsberg						

BIE GELIEKE SCORE WEURTJ GEKEKE NAO DE OETSLAAG VAN DE VAKJURY

10

TEKSSJRIEVER(S): ROEL COMMANS & JULES REIVERS
KÓMPONIST(E): ROEL COMMANS & JULES REIVERS
OETVEURENDJE: BJORN & MIEKE

Brèk de nácht

VENROJ

44^{ste}
LVK
 FINALE

Refrein:

Vur 't laeve
 Dat nor òs lácht
 Vastelaovend, brèk de nácht

Went de liefde
 Geft òs krácht
 Vastelaovend, brèk de nácht

Couplet 1:

'n Briefke òp de mat
 Zó moj geschreve dat
 Ze 't drij kieër laeze mòs
 D'r stoond "Gódde mit mit òs"

Waar weej hin wille gaon
 Kent allieën zien gén bestaon
 Weej laeve ieëne kieër
 Mit vastelaovend net wat mieër

Brèk de mure um òw hin
 Brèk mit alle slaechte zin
 Brèk 't aend, vur 'n neej begin

Couplet 2:

Kiek 's um òw hin
 Niemes is te min
 Nòw weej hiër same staon
 En de stilte laote gaon

Kiek mekaar 's án,
 En kleenk de glaze dan
 Weej hálde òs nie ien
 Gón dur tot weej gebroke zien

Brèk de mure um òw hin
 Brèk mit alle slaechte zin
 Brèk 't aend, vur 'n neej begin

Brök:

Lót 't duuster zwiège
 Um geluk te kriège
 Mák de deur oop
 Lót òs same gaon

TEKSSJRIEVER(S): FRANS HERMANS
KÓMPONIST(E): FRANS HERMANS
OETVEURENDJE: ANDY EN ROY

Vastelaoves- Virus

VALKEBERG

44^{ste}
LVK
FINALE

Refrein:

't Vastelaoves virus wit precies woa het mot goan
't Kruup door hart en neren, um dan keihel toe te sjloan
't Vastelaoves virus deit precies dat wat het wilt
Meh 't liet mich viere, bin nog lang neet oetgetild
Joa ut geit goooooood
Mit het virus in mien bloooooood
Ut geit goooooooooood
Met het virus in mien bloooooood

Couplet 1:

Het liegk al moanden op de loer
Ich houd mich groot en ich doon sjtoer
Met noe nadert toch het oer
En dan deenk ich toch toejoer
Wieniè kriet het mich gevloert

't heat op de zolder zich versjtop
Ich klum de ludder sjtiekem op
En zit n pruuk op miene kop
Ut is mien hart dat sneller kloep
Es 10 november is gesjtop

Couplet 2:

In het begin is het nog braaf
Hilt zich gedeis en wach nog aaf
Met noa de ièrsjte kier Alaaf
Joa dan bis te al versjlaaf
Kump ste der echt neet mièr vanaaf

Brök:

Nei dokter, sjpaar dich diene tied
Ich wil dit virus noats mièr kwiet

12



TEKSSJRIEVER(S): BAS GEUJEN
 KÓMPONIST(E): BAS GEUJEN
 OETVEURENDJE: DEH!

44^{ste}
LVK
 FINALE

't Is rot, maar ich mot...

DE RUIVER

Refrein:

't Is rot, maar ich mot d'r bie zien
 Ómdet 't Vastelaovend is
 't Is rot, maar ich kèn neet hie zien
 En ech, ich mein 't hiel besjlis
 Ich doot 't ech neet veur t fieëste en 't bieëste huur
 Ich gaon ómdet ich hert hōb veur ós volkscultuur
 De plich die reup, ich mot noe drie daag gaon
 Zoeëdet die traditie nag 'n ietsiepietsie wiejer blief besjtaon!

Couplet 1:

Ich mot noe ech van hoes weg
 't Sjpiet mich, maar t mot ech
 De plich reup, en den antjwaord ich mèt 'jao'
 Dus ich gaon d'r eine drinke, want as idderein zól dinke
 'Ich gaon neet', nou, den waas d'r nemes dao
 Dus gluif mich drek as ich dich zègk det ich 't ech neet tref
 Ich gaon neet veur de joeks maar ech allein oet plichsbesef

Couplet 2:

Ich kèn t ech neet make
 Óm dees daag te verzake
 Of óm dees daag 'n rundje aaf te sjlaon
 As ich daomei zou beginne
 Den waas 't zeker binnede kortste kieëre mèt 't fieës gedaon
 Den is 't klaor, de's ieërlík waar, det is gewuuën 'n feit
 Dus gluif 't mich, ich zègk 't dich, det neet gaon ech neet geit

Brök:

Noe sjnaps-se dus: ich mot!
 En waaróm ich toch sjtraol
 Dit is de aller-allersjónste mot van allemaol!

13

TEKSSJRIEVER(S): BAS KELTJENS
KÓMPONIST(E): BART STORCKEN
OETVEURENDJE: HOONDERVEL

De proostende provincie

HAELE

44^{ste}
LVK
FINALE

Refrein:

In de proostende provincie
Zeen de nachte zwaor en lank
Zeen de naatgeprooste vloerplenk
Aangesjaote van de drank

Gaon wae kefeekes äövervalle
Mit zien alle, vief daag lank
Dit is de proostende provincie
Vastelaovendj, proost, bedank!

Couplet 1:

Van de däör nao ut buffèt
Doortj hiej waal vief keteer
Steeds: "Kom drink d'r eine mèt"
En den prooste we alweer

Eine det is lang gelaeje-proost
Of prooste zonger raeje-proost
Ut bölke van de tapkraan
Geit aan ein stök op en neer

Nog emus? Nog emus? Nog emus?
Nog emus? Nog emus? Nog emus beer?

Couplet 2:

Van ut buffèt truuk nao de däör
Doortj hiej waal zès keteer
Ich gaon nao hoes noom ich mich vöör
Mer ze prooste mich steeds weer

De "Ich haoj van dich det witste"-proost
En vief kier "Echt de lètste"-proost
Ut bölke van de tapkraan
Geit nog altied op en neer

Nog emus? Nog emus? Nog emus?
Nog emus? Nog emus? Nog emus beer?

14

TEKSSJRIEVER(S): ALAAF AIRLINES

KÓMPONIST(E): ALAAF AIRLINES

OETVEURENDJE: ALAAF AIRLINES

Duit Ali ut express?

HELJE

 44^{ste}
LVK
 FINALE

Refrein:

Duit Ali ut express? Waeke wachte in de stress!
 Want kumt dae Ali neet, is vastelaovend neet kómpleet
 Duit Ali ut express? Ut deurt nou al un waek of zes!
 Kumt alles binne vur die daag, is ut gedaon mit ut geklaag
 Dan gaeve wae Ali un medalie, is vastelaovend gans geslaagd!

Couplet 1:

Kóntainers kraom die drieve op de ocean
 In polonais oet China gans op Limburg aan
 Waor winkelkerkes grei waere bestild
 En dan zenewechtig waeke aafgetild
 Is det jeske neet te klein, of dae petticoat te wied
 Kumt det pruukske of dae hood nog wel op tied?
 De vraog is kinne wae gaon houwe op die kis
 Of hebbe wae de boeët gemis?

Couplet 2:


De pletjes op die site drejdöbbeldiek gecheckt
 De kleur is good en ut petroeën det liekt perfect
 Mer dae wiesnaas oet ut oeëste hult gin maot
 Zelfs de centimaeter wit zich ginne raod
 Toch mer oppe bónnefooi de bestillinge gefiks
 Mit gin centje pien, bej Ali kost ut niks!
 De vraog is waere al os winse waorgemakt
 Of zien wae bej de puët gepakt?

Brök:

Vriedigmerge geit de bel
 Dae kammeraod van PosNL
 Mit det roeëd-gael-greun peket
 Wört ut vief daag supervet
 Wae zien gered!

Duit Ali ut express? Waeke wachte in de stress!
 Want kumt dae Ali neet, is vastelaovend neet kómpleet
 Duit Ali ut express? Ut deurde wel un waek of zes!
 De buit is binne vur die daag, ut is gedaon mit ut geklaag
 Nou gaeve wae Ali un medalie
 Is vastelaovend gans geslaagd!

TEKSSJRIEVER(S): DWAYNE HORBAG
KÓMPONIST(E): DWAYNE HORBAG
OETVEURENDJE: SJPRINGLAEVEND



Doorgoon!

GULLEPE

44^{ste}
LVK
 FINALE

Refrein:

Veer zulle doorgoon
 Totdat ver neetmie opsjtoon
 Doorgoon!
 Flink vaege op die kis
 Doorgoon!
 En ederein hie veurdoon
 Wat vastelaovend is
 Jalalaalalalaa
 Jalalaalalalaa
 Jalalaalalalalalalaa
 Jalalaalalalaa
 Jalalaalalalaa
 Jalalaalalalaa
 Jalalaalalalalaa

Couplet 1:

Der "ich-bin-effkes-gewaes" lup nog sjteeds polonais
 En zingt: "ohohohohoow"
 Zelfs die hittepetit sjpringt noe op ut buffit
 En zingt: "ohohohohoow"
 Man, gein miensj is nog te sjtoppe
 Limburg griept vandaag de mach
 Dus, dit letste rundje duurt de ganse nach!

Couplet 2:

Ozze prins dae mot goon, parkeert nog effe die traon
 En zingt: "ohohohohoow"
 Ederein dae der waas, heft nog elf kier ut glaas
 En zingt: "ohohohohoow"
 Vul die vate, vul die longe
 Vastelaovend vult der tied
 Dus, gegarandeerd gein ein seconde sjpiet!

Brök:

Klanke winne van os worde
 En os hart wint van't versjand
 Van ut zuuje tot ut noorde
 Sjteit noe ellik vastelaoveshart in brand!

En sjlaop ver driehonderdviefenzestig kier
 Is ut weer noe of nooit, goon veer weer wier!

TEKSSJRIEVER(S): MARIJKE GIJSEN, MARK VAN MULLEKOM & RON ROEMEN

KÓMPONIST(E): MARK VAN MULLEKOM & RON ROEMEN

OETVEURENDJE: LA BAMBA

Ich bön eine vastelaovesgek

MOFERT

44^{ste}
LVK
FINALE

Refrein:

Ich bön eine vastelaovesgek
Bön neet wied van hoes, mer 'nne tied neet thoos
Ich bön eine vastelaovesgek
Löp dae wèkker aaf, wuuerdj neet gesnoez
Drie daag te laat nao heim
Drie daag 't vaat te klein
Drie daag op paad mitein
Vastelaovesgekken óngerein

Couplet 1:

Stèl dien weegske stóng in Sneek, of in de Jordaan
Dan zóngs doe In Nije Dei, of van Tante Sjaan
Skûtsjesilen, fierljeppen, fietsevèssen inne grach
Mer wie sjoean 't dao ouch is, ein dink misse ze dao nag
Ich dank Oze Leven Hieër oppe bloeate kneen
Det ich hie gebaore bön en noe viere kin

Couplet 2:

Mer mien weegske det stóng hie, bön zoea Limburg es mer kintj
Ich vastelaovenj toet de nach 't weer van d'n aovendj wintj
Es de res aan 't kösse ruuk zeen veer Limburgers nag fit
Leedjes mit 'n zaachte G die nachtegaal veer mit
Ich dank Oze Leven Hieër oppe bloeate kneen
Det ich hie gebaore bön en noe viere kin

Brök:

Gebaoren hie? Getaogen hie?
Dan höbs doe nieks gemis
Vastelaovendj is 't sjoonste
't Leukste, tofste, fijnste, coolste, mafste,
gaafste, fraaiste, gekste, bèste, vètste
Sjiekste, manjefiekste waat d'r is
Jalalalalalalalala
Jalalalala, jalalalala
Jalalalalalalalala
Jalalalalalalalala

Sjlot:

Drie daag te laat nao heim
Drie daag 't vaat te klein
Drie daag op paad mitein
Vastelaovesgekken óngerein
Vastelaovesplekkers ein veur ein
't Roead gael brónsgreun eikehout hèltj ós biejein

TEKSSJRIEVER(S): THEI WESSELS
 KÓMPONIST(E): THEI WESSELS
 OETVEURENDJE: JESSE & JESSE

Wo is de VAR?

ZITTERD

44^{ste}
 LVK
 FINALE

Refrein:

Wo is de VAR? Went jederein is in de war
 Wo is de VAR? 't Is óm te bääke zo bizar
 Noe haw ich mich dit jaor bekans gesjtunt
 't Sjaelde mer 'n haor en 'n èlfde punt
 Wo is de VAR? Of hange die nog aan de bar?
 Wo is de VAR? Of koume die ónger de kar?

Couplet 1:

Reedner Ruud sjtóng in de buut mer koosj gaon nao ein menuut
 Wo is de VAR mit vastelaovend?
 En Josee dat reip: "Auwee, geine wageboew-trofee"
 Wo is de VAR mit vastelaovend?
 Al dat kraome dat is toch ewig zunj
 Veur mer allein die eesjte runj

Couplet 2:

Zènger Thies kreeg veur zien wies al geliek de lètste pries
 Wo is de VAR mit VARTelaovend?
 En Agaat van 't sjpagaat góng es dansmarieke naat
 Wo is de VAR mit vastelaovend?
 Al dat sjófte dat is toch ewig zunj
 Mer drie daag sjpas heilt alle wunj

Brök:

Aevel Funs veil bie de zjurie in de guns
 Mit zien geklømmel en gekluns
 Mer ocherm doe sjprouk inèns de sjterke erm
 "Nog effe kieke op 't sjerm"

Doe koum de VAR!
 Dao waar de VAR!
 Doe sjprouk de VAR!
 En mit de groete van dae knar

Sjlot:

Sjik die mer flot nao Zanzibar
 Of lekker zijweite in Qatar
 Dao sjteit ein kerke van de Sjar
 Noe zeen veer vaerdig mit de VAR!

TEKSSJRIEVER(S): ROBERT JANSSEN & MARK VAN MULLEKOM

KÓMPONIST(E): MARK VAN MULLEKOM

OETVEURENDJE: DE BREURKES

44^{ste}
LVK
FINALE

Gooije grónk

KEPEL

Refrein:

Hej zien verhaole gesjreve en leefdes ontstaon
Gebäökt en gelache, vastelaovend laot gaon
Pas as de zon wèr geit sjiene wurd ut leech oet gedaon
Dit is van os, dit blijft iëwig bestaon
Gelök zingt hej rónk
Mien hert blijft hej jónk
Hej veulse dit is gooije grónk
Lalailalalai
Lalailalalai
Lalailalalai
Hej veulse dit is gooije grónk

Couplet 1:

Mien hert klopt veur deze bezóngere plek
Mam lierde mich leedjes in os sjoeën dialect
Ich vaegde confetti bejein oppe grónk
Gooijde ut hoeëg in de loch en dan danste ich rónk

Couplet 2:

Ich kiek um mich haer, man dit zeen ich zoe gaer
Sjouwer aan sjouwer, in ut midde die vaer
Straolende kiékers bej groeët en bej klein
Hej zien wae geworteld, veur altiéd verbonge mèt ein

Brök:

Dit rakt mich, dit pakt mich
Dit makt mich, hej greuj ich
Hej bleuj ich en veul ich mich vrej
Dit wermt mich, umermt mich
Veult good en besjermt mich
Dus proost op dae gooije grónk hej

19

TEKSSJRIEVER(S): BAS KELTJENS
 KÓMPONIST(E): DWAYNE HORBAG
 OETVEURENDJE: 'T GROATEKOEËR

De lètste hoije

NAER

44^{ste}
LVK
FINALE

Refrein:

De lètste hoije waerdj nog efkes oetgesteldj
 Kom, wae duuje nog get nuuje tied d'r bie
 De lètste hoije, waerdj nog efkes oetgesteldj
 Allein nog doorzitters en laatpitters zeen hiej
 Wae höbbe thoes gebeldj, os aangemeldj en mit ein heise stum verteldj
 De lètste hoije waerdj nog efkes oetgesteldj
 De lètste hoije (hoije, hoije, hoije, hoije) waerdj nog efkes oetgesteldj

Couplet 1:

Ich sleiptouw, ich sjouw en ich fuif dich
 Ich vermaak dich en kwaak dich dit leed
 Ich kroegetocht dich, mer geluif mich
 Eine hoije dae gaef ich dich neet

Couplet 2:

Ich sjoenkel dich en ich geweldig
 Ich optocht en proost dich non-stop
 Ich klok-rondj dich, mer ich vertel dich
 Al mien hoijes die zeen efkes op

Brök:

Ze kriege os neet kepot
 Al veltj de kastelein in sjlaop
 Duit d'r de tapkraan op slot
 Den trikke wae um gwuen weer aop

Sjlot:

Waerdj nog efkes, nog oore, nog dage
 Nog waeke, nog altied
 Waerdj nog efkes oetgesteldj

20

TEKSSJRIEVER(S): MAURICE PLUIJMAKERS
KÓMPONIST(E): JOS GIJZEN
OETVEURENDJE: DE GELIËNDE

Dae'n hauve haan

HÖLSBERG

44^{ste}
LVK
 FINALE

Refrein:

Dao sjteit dae'n hauve haan weer mèt de naas veuraan
 En löp te prónke mèt zien vaere
 Wie dae te sjtuute sjteit es 'r victorie kreijt
 Nae, 't mó't ech neet gekker waere
 Dao sjteit dae'n hauve haan weer mèt de naas veuraan
 Al löp 'm alles in de sop
 Jao, zelfs in 't nauw, zoa gruètsj wie eine pauw
 Dae'n hauve haan dae geit veurop

Couplet 1:

Bienao waar ich prins gewore, meh ich laekde oet
 Sjtóng veuraaf in 't kèrkeblaad te prónke mèt mien sjnoet
 De vastelaovespresident dae vóng dat neet zoa leuk
 Hae zag: "ich hób mich gauw nog 'ne nuuje prins gezeuk
 "Kukeleku! (Kukeleku!) -Kukeleku! (Kukeleku!)
 En noe brölle alle luuj

Couplet 2:

Bienao waar ich sjöttekeuning op 't OLS
 Ich sjoot 't lètste bölke aaf, meh al kaom in protes
 De sjötte sjrièfde moord en brand: "hie klopp toch gaar nieks van!
 Doe huèrsj neet bie 't zèstal man, doe bès de bieleman!
 "Kukeleku! (Kukeleku!) -Kukeleku! (Kukeleku!)
 En noe brölle alle luuj

Brök:

Lèts zoot ich in de frieteboet veur friet mèt hauve haan
 Toen keek mich dat sjtök pluumeviè mèt groate ouge aan
 Hae lachde en hae zag: "mèt vastelaovend veur de deur
 Hout ich noe eed're hauve haan de sjpegel effe veur!"

PEBLIEKSJURY VIA SMS

OUCH GEER KÈNTJ MIT BEPAOLE WAEM 'T LVK 2020 GEITJ WÈNNE. DE PEBLIEKSSTÖMME TÈLLE VÄÖR 1/6 DEIL MIT IN DE ÈNJOETSLAAG. G'R KÈNTJ MITDOON DOOR 'NE SMS TE STURE EN OP EIN LEEDJE TE STÖMME.



VEURBEELD SMS:

PER MOBIELE TELEFOON KÈNTJ G'R MER EINE KIEËR 'N STÖM OETBRÈNGE VIA SMS

LVK spatie 01



SMS € 0,90 per sms

SMS NAO 4422

SMS € 0,90 per sms

SMS NAO 4422

01. Wacht neet op later

Graashook

01

02. Neet zoonder diech!

Mestreech

02

03. Laot 't los

Hôrs

03

04. Vergaet neet te laeve

Awstroa

04

05. Poppekas

Heële

05

06. Tösse gister en mörge

Rooj

06

07. Vrunj tot de allerleste runj

Zöstere

07

08. Urst látter

IJselstein

08

09. De Vastelaoves-Cramignon

Èèsjde/Oost-Maorend

09

10. Brék de nácht

Venroj

10

11. VastelaovesVirus

Valkeberg

11

12. t is rot, maar ich mot...

De Ruiver

12

13. De proostende provincie

Haele

13

14. Duit Ali ut express?

Helje

14

15. Doorgoon!

Gullepe

15

16. Ich bön eine vastelaovesgek

Mofert

16

17. Wo is de VAR?

Zitterd

17

18. Gooije grónk

Kepel

18

19. De lètste hoije

Naer

19

20. Dae'n hauve haan

Hölsberg

20

ÄÖVERZICH WÈNNIEËRS LIMBURGS VASTELAOVESLEEDJES KONKOER



JAOR	HERKÓMS	TITEL	KÓMPONIST(E)	TEKSSJRIEVER(S)	OETVEURENDJE	FINALEPLAATS
1977	Mestreech	Vaan Eysde tot de Mookerhei	Jean Innemee	Bert Salden	The Walkers	Gelaen
1978	De Ruiver	De zaagte 'Geej'	Jan Theelen	Arnold Wassen	Lei Driessen	Gelaen
1979	Gelaen	Dan kal ich plat	Ben Erkens en The Country Singers	Thijs Arts	Ben Erkens en The Country Singers	Gelaen
1980	Zitterd	De beierheering	Hans Wijnands	Hans Wijnands	Peter Eijkenboom en The Ragtime Band	Gelaen
1981	Remunj	De vastelaovend heurt bie Limburg	Naud Reijners	Naud Reijners	Naud Reijners en Dominique Reijners	Gelaen
1982	Göttekaove	Zoa moosj 't kènne blieve	Guus Steinen en John Wauben	Guus Steinen	De Zjweitvuit	Gelaen
1983	Gelaen	Mie Limburgs blood	Ben Erkens	Miets Zijlstra-de Loo	Ben Erkens en Kapel 'Roed is Droof'	Gelaen
1984	Meersje	Doa moste mèt ljàre léve	Leon Volders	Leon Volders	Leon Volders	Remunj
1985	Gelaen	Hawt 'm vas de vastelaovend	Bert Dijcks	Jan Ridderbeekx	Jan Ridderbeekx en The Fratellies	Heëlehei
1986	Mestreech	Jao heij in Limburg	Sjef Duchateau	Sjef Duchateau	Beppie Kraft	Gelaen
1987	Lin	Wieböle	John Evers	Piet Evers	Duo Twee Plus en De Kuulköpkes	Gelaen
1988	Venlo	Minse wie wee	Giel Aerts	Frans Boermans	De Kammeräodjes	Gelaen
1989	Venlo	De knappe(rikke)	Giel Aerts	Frans Boermans	Wiel Vestjens en Hary Crompvoets	Gelaen
1990	Gelaen	Ich tik neet richtig	Ben Erkens	Miets Zijlstra-de Loo	Ben Erkens	Gelaen
1991	Venlo	Det is ein joekskèpel op joets	Jan Jacobs	Sef Maaskant	Hay en Paul Peeters	Gullepe
1992	Venlo	Waat hebbe we 't toch good	Giel Aerts	Frans Boermans	Wiel Vestjens en Hary Crompvoets	Lin
1993	Tegele	'nne Late	Peter van den Akker	Peter van den Akker	Thei en Marij	Tegele
1994	Venlo	Heej of dao	Giel Aerts	Giel Aerts	Wiel Vestjens en Hary Crompvoets	Baek
1995	Hòrs	De ganse santakraom	Thijs Kleeven	Cor Kuipers	De Wazelvotte	Roggel
1996	Mestreech	Drejje!!	Ursula en Bert Garnier	Ursula en Bert Garnier	Duo Ammezasie	Hòrs aan de Maas
1997	Venlo	Had ik maar	Sef Gubbels	Frans Boermans	Wiel Vestjens en Hary Crompvoets	Gelaen
1998	Ulejstraote	Opzie, Opzie, Opzie	Gaston Jacobs	Gaston Jacobs	Gaston Jacobs en zien vrunj	Wieërt

ÄÖVERZICH WÈNNIEËRS LIMBURGS VASTELAOVESLEEDJES KONKOER



JAOR	HERKÓMS	TITEL	KÓMPONIST(E)	TEKSSJRIEVER(S)	OETVEURENDJE	FINALEPLAATS
1999	Mestreech	Iech höb diech weer gevoonde	Ursula en Bert Garnier	Ursula en Bert Garnier	't Merretkoer	Belvend
2000	Venlo	Josefien	Wim Roeffen	Wim Roeffen en Frans Boermans	Wiel Vestjens en Gé Deenen	Kirchrao
2001	De Ruiver	Good geammezeerd	Arnold Wassen	Arnold Wassen	Dét mô't kènne	Neel
2002	Gullepe	Wie d'r Herrgot Limburg had gemaak	Ben Erkens	Ben Erkens	Frans Croonenberg	Belvend
2003	Venlo	Dèh dan, dao isse	Wim Janssen	Peter Jansen	Peter Jansen & Wim Janssen	Zitterd
2004	Heële	Tweemaol aafgezeëg(en nog te kót)	Paul Münstermann	Paul Münstermann en Leo Keularts	Paul en Leo	Berg
2005	Bor	Wat zaeter?!	Ben Erkens	Paul Heffels - Frank Dullens - Ben Erkens	Böshuuske Ontsjpannings Vereniging	Venroj
2006	Lömmerig	Dat zit bie os in de familie	Guus Steinen	Guus Steinen	Kartoesj	Stein
2007	Grevors	Heej bliëf ik plekke	Rene Verschueren	Rene Verschueren	De Toddezèk	Neel
2008	Venlo	De kriebels	Frans Pollux	Frans Pollux	Bram Holla & Ruud Stikkelbroeck	Zaerum
2009	Grevors	Ni miër en ni minder	Rene Verschueren	Rene Verschueren	De Toddezèk	Gelaen
2010	Venlo	Vandaag!	Quinn Warmerdam	Quinn Warmerdam	W-Dreej	Toear
2011	Venlo	Kôm 's kièke beej ôs	Quinn Warmerdam	Hannelore Winter	W-Dreej	Kepel
2012	Venlo	Doot 's gek	Quinn Warmerdam	Quinn Warmerdam	W-Dreej	Mergraote
2013	Mofert	Laef, Limburg laef!	Ron Roemen	Ron Roemen	La Bamba	Neel
2014	Grevors	Onhendig leedje	Rene Verschueren	Rene Verschueren	De Toddezèk	Grevors
2015	Zöstere	Es vastelaovend Limburg bènne vèlt	Mark van Mullekom	Bas Keltjens	Spik en Span	Kirchrao
2016	Zöstere	Kampioene van de Nach	Mark van Mullekom	Bas Keltjens	Spik en Span	Venroj
2017	Hölsberg	Code 'road-gael-greun'	Jos Gijzen	Maurice Pluijmakers	De Geliënde	Heële
2018	Zöstere	Blieve	Jo Huijnen en Niek Dirkx	Niek Dirkx en Jos Wackers	Spik en Span	Kessel
2019	Haele	Groete oet de fieësttent	Bart Storcken	Bas Keltjens	Hoondervel	Mestreech

Sponsors van Stichting LVK 2020 Ech-Zöstere

Vrunj van 't LVK



't Bestuur bestuitj oet (vlnr):

John Habets, Broensem
Brigitte van Eck, Wieërt
Jos Cremers, Gelaen
Joep Verbugt, Helje
Marja van Kessel, Göttekaove
Erik Brouns, Zjwame
Elise van Wordragen, Helje
Ron Aspers, De Ruiver



Besjtuer Stichting LVK

MEDIAPARTNERS

Limburg 1limburg

De Limburger

Sync.
wij geven alles kleur



MEDIAKRACHT
STRATEGIE / ONTWERP / ONLINE

HOOFD-SPONSORS

Collé RENTAL & SALES

veldeman



Het Smalste
Stukje Nederland.nl

SL
STAGELIGHT

DIAMANT-SPONSORS

A & B
adviseurs

GEELLEN

ecobliss
blister and high visibility packaging solutions

MULLENERS
VASTGOED
ontwikkeling & beleggingen

djem
LED SCREENS

Cowanzo.nl
Licht - Geluid - FX

GIGANT
WWW.GIGANTINTERNATIONAL.COM

VANDERSANDEN

blankers schoon
Dankbaar werk



HOUBEN SOUREN
Voorsprong in beeld, geluid en licht

Rabobank

PLATINUM-SPONSORS

Asstabe
verzekeringen

Livar

BKE
STAALBOUW BV

DE BOUWSTEEN

flm
food ingredients



Zwembad
& Luxe

KIVIT

Zwaantjeshof

TOTALIS
TOTAL INDUSTRIAL SUPPLY

ANTONIUS

MOURIK

HEES
INSTALLATIES ECHT

Jac Ruyters
Sinds 1968
GROEP

HERMETICO
Houten en kunststof kozijnen

EuroParks
Resort Limburg

Hoofdsponsors finale LVK



Mediapartner:

